

莆陽居士蔡公文集

十一

莆陽居士蔡公文集卷第二十三

齋文

南郊道場文

功德疏

順祖皇帝忌齋文

太宗皇帝忌齋文

章穆皇后忌齋文

章懿皇后忌齋文

賦傳

士伸知己賦

季秋牡丹賦

慈竹賦

耿諫議傳

曹女傳

許迥傳

南郊道場讚佛文

講盛禮於泰壇用伸嚴事集勝因於淨土宜運洪  
仁伏惟 皇帝陛下順法乾坤祗奉神考萬物涵  
仁而生息庶政蹈道以中和甫屆書雲之辰往陳  
奠璧之祀特開精舍廣肅法筵展龍藏之秘言揚

魚山之清梵庶敷善利胥協熙成皇帝伏願臨吉  
土以升煙高凝祥氣御端闈而洒澤下格幽途永  
孚寰海之心益固南山之壽

功德疏

奠玉紫壇虔修於大報布金紺宇特仰於能仁用  
集妙因特嚴法供 皇帝陛下與天均覆唯日並  
明運神化以無方置幅員之安處甫臨至景專講  
上儀就吉位以薦誠霈渙恩而澤下有來清侶敷  
誦祕文式賴殊緣冥資熙事伏願五辰協序百福  
凝祥永隆久大之基益固延鴻之筭

立明集卷三  
二  
順祖惠元皇帝齋文

豳風流頌陳基業之艱難梵譯垂文降福祥之孚  
佑諱辰甫及妙果宜憑伏惟順祖惠元皇帝蘊上  
聖之資累元功之茂詒孫謀而及遠啓天命之來  
符今皇帝奉清明之宮薦馨香之德啟仁祠之淨  
土翻文佛之祕詮順祖惠元皇帝伏願聖並真游  
高臨覺地集祥縣緒敷況群靈今皇帝伏願鴻筭  
後天至慈冒卅萬寓轅於朴厚四極格於混同然  
後願台輔協恭宗圖繁衍日星順夫軌道黍稷滋  
於有年舉是舍生悉登壽域

太宗皇帝忌文

至大之德列原廟以推尊無量之仁依覺皇而薦  
祐太宗皇帝恩淪四外運紹再傳化治之光在人  
昌明之慶垂世今皇帝永思先烈濬發精誠有來  
淨行之流聿修祕藏之妙太宗皇帝伏願超游真  
界廣覆群靈慧如日之圓明化等空而常寂今皇  
帝伏願壽年山固聲教天臨儲嗣寢蕃宗支彌盛  
宰路協恭而贊輔霄躔應候而泰和五氏順時百  
嘉遂性

章穆皇后忌文

蕙車夙逝杳仙迹以曷追笙館載虔仗佛因而伸  
薦恭惟章穆皇后稟靈魏麓作儷周京修陰教以  
輔隆正坤儀而中肅真遊彌遠靈德逾芳今皇帝  
孝軫至懷慕存遺懿茲復臨於諱日爰肅啓於法  
筵用植勝緣以昭嚴奉皇后伏願棲遊淨界超證  
真乘備福德之莊嚴會天人之利樂皇帝伏願運  
延星劫位固寶圖暢聲教於八遐戢干戈於四裔  
然後願盤維敦茂丞弼宣和百工罄述職之勤庶  
績協順時之治若夷若夏有性有生率躋仁壽之  
期共洽義軒之化

章獻皇后齋文

保祐帝尊上繫於慈訓追懷親愛虔託於能仁皇  
太后惠澤多方教流中閭逖奉母儀之重再嚴廟  
象之游今皇帝孝德因心諱憂在旦軫瞻北之深  
念集繪園之勝因皇太后性周大空化通妙力護  
生靈於聖樂福基業之無窮今皇帝鴻筭後天深  
仁被物殊俗格乎面內庶品遂於陽中台哲同寅  
宗藩協輔武皮包乎犀利文象蹈於經常有生之  
繁惟帝斯賴

士伸知已賦

古有人賤而達己者道必有裕貴而得士者禮必  
與鈞意關榮以高世竭游名於大人威鳳下而覽  
德微蠖屈而求伸謂周公多才揮沐吐食而延白  
屋顏子具聖砥名厲行而附青雲故我氣恬集義  
遊於采真默守節而無悶動會時而益振彬文薄  
乎河漢長筭教鵲翠臣鄰拍素絃而稟潔紉香草兮  
生春彼美君子風度瑰偉烏在其蔓葛以均戚寧  
藉乎樹粉而接里夷廉窵而索言詣幽眇而鈎旨  
判柔植於異畦決斷涇於東水始傾崑而娛玃遽  
倒廩而矜侈耽聖域以同奧秩皇塗而並軌雖韜

瑕可以取璧兼體可以收菲矧或太公蛻北海之  
居安石翔東山而起我拒其歸誰執茲耻必使右  
雪苑之席徒繡衣之履繩引堯舜以致君蒙合燕  
趙之多士苟氣協而聲同偕克濟乎熏美者也且  
夫虹玉隱乎巉石珎珠淪乎層漪麒麟非犬羊之  
比鱣鯁豈螻蟻之持沕明淵而自得曷怵迫而外  
移華屋千榱柔層百帷積粟乎京坻躍馬乎駟驪  
匪衷藏之雅尚雖得志而弗爲何蘊諛以發顏何  
挾巧而譎辭宜乎厚德表世嘉聞蓋時身享崇高  
之貴日瞻咫尺之儀謂朽株可萬乘之器廊廟非

一木之枝得于道不伐乎衆公擢于室不懷乎內  
私舉礫穴而悚觀我冠佩而來思上弗求焉無曰  
蔑當吾取下弗進焉無曰胡爲我知然則人之膠  
于今者或安于近泥乎古者或昧乎通擇其粉墨  
之異考以宮商之同射乃墉上簣乎日中鳴鶴陰  
而子和雕虎嘯而生風不然則名位相雄師學相  
攻耕石田而待稔懷珎疑而適戎故非五難而吐  
論和再刖而處窮嗟乎木秀林而必摧士入朝而  
見嫉絳灌隱堤而賈遷椒蘭發機而原黜子冉膏  
舌而墨幽臧倉園睛而軻逸夜光明月招訶按劒

之年流水高山沈思絕絃之日在孤見之卓越發  
群蔽之豐密借如說困刑戮何擷其芳尹恬耜耨  
何鋪其香若歲旱而澤及卒阿衡而自將惟聖睿  
之親逢俾業履之猗昌奚仕虞而弭廢由自戎而  
虜亡秦何售之而遂用遽厚帑而遐疆仲負藝而  
仇君鮑何奪徽纆與鋒鋌弗介蠱乎左右麾千侯  
而拱天王設隕越於九淵幾夷衽而易鄉寧倚輈  
而鳴嗑栢何寶其琅琅駸肆語而靡著向何悟而  
趨下堂伊邾勲之未圖胥何利乎錫土越石娛薪  
以儼佯嬰何決驟而奄取平負郭而久貧何梯魏

而康寓信鼓刀以周身何翼蕭而登輔節信疲於  
游宦何怵心於皇甫正平蹶於羈雌何銜能於文  
舉亮覘時而晦軀蜀何奮之于剛畝蒙署籍而委  
質吳何抗之于卒旅蹇斯類之有徒殫筠素而曷  
叙彼王公之宏略豈數子智謀之有補畏遺德於  
冥鴻思漉恩乎施雨向使失風雲之會上皇御名竒表之  
伍或儕立于草茅或殲危于俘虜亘天地以寂寥  
尚何流嘉風而建英矩者哉今茲有人遠陶聖世  
少齒鄉黌根英雲之節奏表畛域而墾耕躋陵隅  
之峻截詠垠埃之淵停若夫名山首乎黃老鬼谷

譎乎縱橫桑羊役乎術計商鞅刻乎刑名姑還車  
而却步目吾肆之豐羸旣披閩吳而僑貢未幾唱  
第于夫楹賦從軍兮南土天差五而回星莽萬端  
而外眩愚幽墨而無營懂百趾以高附愚遭環而  
後行嚙決辯以旁肆愚抑閑而箝聲紛結游以走  
譽愚友益而盡傾親冒領而雙白又齎伐乎天庭  
第假田不足以羞言烏敢斬外物而薦榮晞往躅  
而結援詎回沉而崢嶸介語默于部室其誰燭之  
而使明勾孽芽于瘠壤又其誰育之而使成豈云  
病畦而諂笑哀絃而賣名然世主炎黃之化鼎連

邴魏之風時乎時者難值旦復旦以親逢儻率道而自進立誠知命抑在乎其中辭曰善知人者豈古有而今無善求知者豈彼智而茲愚儻固其竊而厚其薄必幽者縲而跼者扶進抑時而退抑命尔其守約而于于者乎

季秋牡丹賦

并序

爽秋涉杪扶欄間有牡丹舊枿輒吐芳楨亭亭上擢發紅葩一大可徑咫尺角春取勝無間然尔扶欄當彩翠亭之右亭屹縣圃之西北隅圃直縣堂之背縣介大江之南蓋漢元朔中江都易王上封其

子敢爲丹陽侯采邑蕪湖此其地歟今爲太平州  
筦時河間凌公尹之行再朞矣政休賦集又所瀕  
江英游雅故受署齎伐被召將命者憧憧然率道  
其疆故觴詠之娛相因無缺及此珍卉馨茂公有  
異時之貴趣張具高會于其側所謂彩翠亭者酒  
三行濟陽蔡某醕舉而言曰公走文章聲二紀于  
茲顛葆幾華位不過禁省貳丞官不過萬戶長吏  
而善禦外物居頗休閒獨以浩博記書稱道聖明  
爲事今是花也韜英和緒揭麗蕭辰時雖後而且  
大盛意者公其日寢亨會才慮將有所讎乎昔騷

人取香草美人呂嬋忠潔之士牡丹者抑其類歟  
請爲公賦之其詞曰朔羽南翔建杓西宅霜天一  
清露草皆白悲哉轉涼葉於亭臯兮悵穠華之闌  
寂均百芳之不能秋兮何子花天姿之的的使人  
觀之若披大暑兮臨清湘剝層霾兮仰白日厥初  
槁壤潛春扶欄向夕芳枝舉以融怡絳蘂扁兮臯  
歷寶霧宵籠鮮風曉拆麗或中去聲人香可專國  
刻紅炬呂烘燄綴彤霞而薦色鬱弗誰語丰茸自  
持非倚瑟之神女抑善賦之文姬呻清都而時下  
歎晴陽以孤嬉霄顙汗兮張寶帷霓燁煜兮揭朱